

## “BASES

### “Concurso Fotográfico Arteixo Espírito Deportivo Calendario 2019”.

#### 1. Obxecto

O Concello de Arteixo, a través súa Concellaría de Promoción e Desenvolvemento convoca o Concurso Fotográfico Arteixo Espírito Deportivo co obxecto de que as fotografías gañadoras se recollan no Calendario do ano 2019 do Concello.

#### 2. Prazo de inscrición

O prazo de presentación de fotografías iniciárase o día 14 de setembro e rematará o día 14 de outubro de 2018.

#### 3. Condicións e requisitos de participación

-Para poder participar, o usuario debe ser seguidor ou comezar a seguir a páxina de Facebook <https://www.facebook.com/concelloarteixo/>

- O usuario participará neste Concurso Fotográfico a través da aplicación Easypromos subindo unha foto relacionada co deporte. As mellores formarán parte do calendario 2019 editado polo concello. Cada mes estará relacionado cunha das imaxes presentadas, e preferiblemente relacionada cun dos seguintes conceptos:

Xaneiro - Solidariedade  
Febreiro - Compañeirismo  
Marzo - Superación  
Abril - Tolerancia  
Maio - Deportividade  
Xuño - Equipo  
Xullo - Meta  
Agosto - Resistencia  
Setembro - Apoio  
Outubro - Respecto  
Novembro - Nobreza  
Decembro - Esfuerzo

De non atopar relación directa cun deles, o participante poderá propoñer o seu, ou o Concello adecuar un novo a cada imaxe, sempre que este relacionada co deporte.

- A fotografía deberá realizarse no Concello de Arteixo, e preferiblemente nunha das súas instalacións deportivas.
- A fotografía deberá ter calidade suficiente para ser impresa no calendario físico sen merma de calidade (recoméndase un mínimo de 300mmx200mm a 300 ppp)
- A fotografía deberá ser enviada en formato JPEG, PNG ou TIFF a través do formulario situado na páxina de Facebook do CONCELLO
- O formulario atoparase dispoñible unha vez selecciónes o botón "Participar" do concurso.
- O participante encherá todos os campos do formulario de participación e todos os datos persoais que se requiran, sendo todos de carácter obrigatorio.
- O participante proporcionará datos persoais exactos e postos ao día de forma que respondan con veracidade á súa situación actual.

Quedarán automaticamente fóra de concurso aquelas obras que fosen premiadas con anterioridade noutro concurso ou certame, ou non cumpran o estimado polas presentes bases. Asemade, non se aceptarán aquelas fotografías que leven sinatura ou algunha outra marca identificativa. Os traballos que se declaren fóra de concurso, poderán ser recollidos despois da súa utilización na elaboración do catálogo que recollerá as obras presentadas.

#### **4. Funcionamento do Concurso**

- O concurso requirirá para a súa celebración un mínimo de 5 participantes, en caso de non alcanzalo suspenderase a súa celebración.
- A votación das imaxes realizarase a través da páxina do concurso e da valoración dun xurado composto por un profesional do mundo da arte, un profesional do mundo da fotografía e un profesional do mundo da publicidade.
- A votación comporase do resultado da suma de 4 puntuacións (sendo 40 puntos a máxima puntuación posible). :

1ª puntuación: Dependerá da votación popular na páxina do concurso.

- a obra máis votada obterá 10 puntos,
- a segunda obterá 8 puntos.

- a terceira obterá 6 puntos.
- a cuarta obterá 4 puntos.
- a quinta obterá 2 puntos.

2ª Puntuación: Dependerá da valoración dun profesional relacionado co mundo da arte, que puntuará 5 obras con 10, 8, 6, 4 e 2 puntos.

3ª Puntuación: Dependerá da valoración dun profesional relacionado co mundo da fotografía, que puntuará 5 obras con 10, 8, 6, 4 e 2 puntos.

4ª Puntuación: Dependerá da valoración dun profesional relacionado co mundo da publicidade, que puntuará 5 obras con 10, 8, 6, 4 e 2 puntos.

- Se ningún dos participantes obtén votos (0 votos ao final do concurso), realizarase un sorteo aleatorio a través da plataforma Easypromos entre todos eles para elixir aos 5 ganadores.

-En caso de empate entre varios usuarios coa mesma puntuación, realizarase un sorteo aleatorio a través da plataforma Easypromos entre eles para elixir ao gañador ou gañadores.

- Os nomes dos gañadores comunicaranse a través das contas en redes sociais do CONCELLO, Twitter e Facebook nos 5 días seguintes á finalización do concurso.

-Os usuarios que participen e os gañadores aceptan que o seu nome sexa publicado nos soportes que o CONCELLO estime oportunos (redes sociais e web do CONCELLO).

- Establecense 12 categorías de premios para as 12 fotografías mellor dotadas coas seguintes contías:

- 500€ (quinientos euros) para a foto que máis puntos obteña.
- 300€ (trescentos euros) para a segunda.
- 200€ (douscentos euros) para a terceira.
- 100€ (cen euros) para as nove seguintes clasificadas.

Os premios non serán acumulables en ningún caso. No caso de coincidencia en varios premios, concederáse só o de maior importe.

Os ditos premios estarán suxeitos ás retencións que se determine pola lexislación tributaria vixente e faranse efectivos mediante transferencia bancaria aos premiados.

Con carácter previo ao outorgamento dos premios, comprobarase que os premiados propostos polo xurado están ao corrente das súas obrigas tributarias municipais, estatais e coa seguridade social e non son debedores á facenda municipal polo reintegro de subvencións.

Non poderán obter a condición de premiados as persoas ou entidades nas que concorran as circunstancias que permitan cualificalos como beneficiarios segundo o disposto no artigo 13 da Lei 38/2003 xeral de subvencións, no artigo 10 da Lei 9/2007 de subvencións de Galicia e demais normativa aplicable.

- Unha vez publicados os nomes dos 12 gañadores, contactarase con eles a través das redes para facerlles entrega do premio.
- As fotografías gañadoras serán as que conformen o calendario de Arteixo 2019.
- As fotografías presentadas quedarán en posesión do CONCELLO e poderá utilizalas e reproducilas por calquera medio, sempre citando ao seu autor.
- O xurado resérvase o dereito a declarar os premios desertos, se o estimase oportuno.

## 5. Datos persoais facilitados á organización

A recolleita e tratamento automatizado dos datos persoais, como consecuencia da participación no concurso, ten como única finalidade correcto desenvolvemento do concurso e a comunicación dos gañadores.

Os datos persoais rexistrados pasarán a un ficheiro propiedade do CONCELLO con domicilio en Praza Alcalde Ramón Dopico, 1, 15142 Arteixo, (A Coruña). O promotor declara que adoptáronse as medidas técnicas e organizativas de protección de datos conforme ao Real Decreto 1720/2007, de 21 de decembro, polo que se aproba o Regulamento de desenvolvemento da Lei Orgánica 15/1999, de 13 de decembro, de protección de datos de carácter persoal, e ao Regulamento (UE) 2016/679 do Parlamento Europeo e do Consello, de 27 de abril de 2016 relativo á protección das persoas físicas no que respecta ao tratamento de datos persoais e á libre circulación destes datos.

## 7. Participación dos usuarios e reserva de dereitos

O CONCELLO resérvase o dereito a descalificar a calquera participante se existe calquera sospeita de uso fraudulento das ferramentas e na forma de participar no concurso. Por este motivo, poderanse tomar as medidas oportunas tales como, bloquear usuarios, descalificar contidos ou usuarios ou calquera outra acción que o CONCELLO estime oportuna.

O Organizador do concurso informa que comprobará a validez dos votos recibidos polos participantes do concurso mediante a ferramenta “Índice de Fraude” desenvolvida por Easypromos. A través desta ferramenta, o Organizador poderá saber, ao finalizar o período de participación, si o participante incorrera en prácticas fraudulentas co fin de obter máis votos. Si o valor do Índice de Fraude da súa participación é igual ou superior ao 100%, o Organizador

resérvase o dereito de descualificar ao participante e declarar nula a súa participación.

O CONCELLO resérvase o dereito de modificación e borrado de calquera contido duplicado, erróneo, que se considere fora de contexto ou calquera outro criterio que o CONCELLO crea conveniente.

O CONCELLO resérvase o dereito de suspender ou eliminar aquelas achegas ou comentarios que incumplan estas condicións.

A presentación de traballos neste concurso supón a aceptación íntegra das presentes bases. O incumprimento dalgún dos apartados nas mesmas levarían implícita a exclusión do concurso da obra presentada. Se as bases fosen modificadas a criterio da organización, comunicaríaselles oportunamente a todos os interesados.”